

SECTION

3

# OKASA MMARA



# OKASA DWUMADIE

## Okasa Mmara

### NNIANIMU

Asemfua biara firi asemfuakuo bi mu. Ofa yi mu, yebesua biribi afa nsemfuakuo akeseɛ a enonom ne edin, edin nkyerekyeremu, adeye ne okyerɛfoɔ. Sɛ wote nsemfuakuo ase a, etumi ma wohunu asemfua biara dwumadie.

#### Adesua yi beko awieɛ no, na adesuafoɔ no tumi:

- i. Kyekye edin mu ko edin ahodoɔ mu (sɛ ebia, dinpa, dinhunu, edin a yenhunu, edin a yehunu, ne deɛ ekeka ho).
- ii. Kyekye edin nkyerekyeremu mu ko edin nkyerekyeremu ahodoɔ mu (sɛ ebia, oyikyere nkyerekyeremu, akontabudeɛ nkyerekyerɛ ne sukyere nkyerekyeremu) na wode aye okasamu ahodoɔ.
- iii. Kyekye adeye mu ko fa-ɔyɛtia, amfa-ɔyɛtia ne fa-ɔyɛtia mmienu.
- iv. Kyekye okyerɛfoɔ mu ko okyerɛfoɔ ahodoɔ mu (sɛ ebia, yebea, beaɛɛ, eberɛ, anoɔden, dodoɔ, ampaye/akyinnyegyɛɛ).

#### Adwempɔ Ahodoɔ

Edin ye ahyensodeɛ a yede ma adeɛ biara. Yebetumi akyekye edin mu ako dinpa, dinhunu, edin a yehunu ne edin a yenhunu. Akontabudeɛ ye nkyerekyeremu a yede ma edin a yetumi kan anaa edin a yede akontabudeɛ toto ho a eye yie. Sukyere nkyerekyeremu nso kyerekyerɛ sɛdeɛ edin bi si tee pɔtee. Nkasaeɛ nkyerekyeremu ye nkyerekyeremu a eba edin a ekyerekyerɛ mu no akyi. Adeye ye asemfua anaa nsemfua a ekyerɛ deɛ ɔyɛfoɔ bi reyɛ anaa tebea a obi wom. Adeye ahodoɔ mmiensa nonom ne fa-ɔyɛtia, amfa-ɔyɛtia ne fa-ɔyɛtia mmienu. Okyerɛfoɔ kyerekyerɛ adeye, edin nkyerekyeremu enna okyerɛfoɔ foforo mu. Yetumi kyekye okyerɛfoɔ mu ko akuo ahodoɔ mu sɛ ebia, yebea kyerefoɔ, beaɛɛ kyerefoɔ, eberɛ kyerefoɔ, dodoɔ kyerefoɔ, anoɔden kyerefoɔ ne ampaye/akyinnyegyɛɛ kyerefoɔ.

## ADESUA YI MU NSENTITIRE

Montena akuakuo na ma wɔntwere nneema edu a ɛwɔ sukuu dan no mu ne dee ɛnni sukuu dan no mu edin. Afei, twere nsemfua mmienu a ɛfa *atenka* a wonyaa wɔ abɔnten ne wo sukuu dan mu no ka dee woatwere dada no ho. Nneema a wo kuo no twereɛɛ no ne dee akuo afoforɔ no nso twereɛɛ no ye adekorɔ anaa?

### Ɛdeɛn ne edin?

Edin ye ahyensodeɛ a yede ma onipa, beaɛɛ, mmoa anaa adeɛ bi. Edin no bi nso ye adwenkyerɛ, tebea anaa atenka bi.

### Edin ahodoɔ

#### Din pa

Din paye edin a yede ma onipa, beaɛɛ anaa adeɛ pɔtee bi a ɛye ɔbɔadeɛ-nsaanodwuma anaa ɔdasani-nsaanodwuma. Yede atweredeɛ akeseɛ na ɛhye dinpa ase a ɛmfa ho ne beaɛɛ a ɛhye wɔ ɔkasamu bi mu. Nhwesɔ ahodoɔ no mu bi na edidi sɔɔ yi:

***Nnipa din:*** Kyei, Fosu, Esinam, Adole, Iddrisu, Wakil, Kofi, Akuba, Yeboa, ne dee ekeka ho.

***Mmeaɛ din:*** Afadjato, Accra, Winneba, Tamale, Nungua, Homase, Asuoho-Ankaase ne dee ekeka ho.

***Enna a ɛwɔ nnawɔtwe mu din:*** Kwasiada, Edwoada, Benada, Wukuada, ne dee ekeka ho.

***Abosome a ɛwɔ afe mu din:*** Oforisuo, Kɔtonimma, Ayewohomumɔ, Ɔsannaa, Ahinime, Ɔpenimma ne dee ekeka ho.

***Nnwumakuo ahodoɔ din:*** Ɔkɔmfo Anɔkye Ayaresabea, Jubilee House, University of Education, ne dee ekeka ho.

***Asuo ahodoɔ edin:*** Asuo Pra, Asuo Firaw, Asuo Densu, Asuo Ankonbra, ne dee ekeka ho.

### Dinhunu

Yei ye edin a yede ma ‘nneema ahodoɔ’ bi a enye titire, tebea, atenka anaa nneyɛɛ bi. Yɛmfa atweredeɛ keseɛ nni dinhunu biara ɛkan gye sɛ edi ɔkasamu bi anim. Yɛtumi de oyikyere, akontabudeɛ anaa edin nkyerekyeremu bata ho. Ɛho nhwesɔ no mu bi ne pen, nwoma, pensere, efie, ɛdan, apataa, ɛtoa, gyaade, sekan.

## Edin a yenhunu

Yei ye nsemfua a eda nsusuiɛ bi anaa adeɛ bi a yemfa yen ani nhunu adi. Yei gyina ho ma nneema bi a yenhunu na yeso mu nso a enye yie. Etaa kyerekyere nkatedee, nsusuiɛ ne atenka. Yei ho nhwesoo no mu bi ne anigyee, odo, awereho, eyadie, nokore, nyansa, ne dee ekeka ho.

## Edin a yehunu

Yei ye edin a yede ma nneema a yehunu na yeso mu nso a eye yie. Yeinom ye nneema a atwa yen ho ahyia wo asase yi so a yehunu. Yei ye nneema a yetumi. Yei ho nhwesoo no mu bi ne eboɔ epono, mpa, nsuo, dotee, sankuo, twene, esono, ne dee ekeka ho.

### Dwumadie 1

Kyekye edin ahodoɔ a edidi soɔ yi mu ko dinpa, dinhunu, edin a yehunu ne edin a yenhunu. Kyere senti a woyee no saa.

- i. okyerekyerefoɔ
- ii. epono
- iii. odo
- iv. Araba
- v. Adu
- vi. anigyee
- vii. nkabom
- viii. akonnwa
- ix. mframa
- x. eboɔ

### Dwumadie 2

- i. Kyekye adesuafoɔ no mu akuakuo na ma wonkyere edin ahodoɔ a ewo abasem a ewo efam ho no mu.



ii. Kyekye edin ahodoɔ a wonyaɛ no mu kɔ edin akuo ahodoɔ enan a ɛwɔ ɛfam hɔ no mu:

**edin a yɛhunu**

**dinhunu**

**dinpa**

**edin a yɛnhun**

iii. Fa edin ahodoɔ a wohunuie no mu biara ye okasamu tiawa se ebia. Me *mpaboa* no sua.

## Me Kurom Dwa mu Mpasatuo

*Beaɛ bi wɔ me kurom a eho ye bagyabagya a yɛfre hɔ edwam. Eho ye anigyebea a nnipa hyia a ebinom tontɔn nneɛma ahodoɔ enna ebinom nso tɔ. Wobetumi anya nneɛma bi te se nnuaba ahodoɔ ne atosodeɛ, afadeɛ, nkuaba ne nneɛma ahodoɔ a yede di dwuma wɔ efie nyinaa bi wɔ hɔ.*

*Nnawɔtwe awieɛ biara no, me ne mabusuafoɔ kɔ edwam hɔ kɔdi edwa. Se yereye aduru hɔ a, mete se adetɔnfoɔ rebɔ wɔn adetɔnneɛ ho dawuro ne adetɔfoɔ nso a wɔnenam edwa no mu bagyabagya redi edwa deɛ eye den.*

*Adeɛ a medi kan hunu wɔ edwam hɔ ye nnuaba ne atosodeɛ a wɔahyehye no fɛfɛɛfɛ wɔ apata ahodoɔ mu. Nneɛma no mu bi nso ne ankaa a eye de yie, kwadu a abere ne borɔfere a agyegyee a eye fe. Nnɔbaɛ foforo a wɔde aba edwa no mu ho hua no gyegyee edwa no mu hɔ nyinaa na ɛmaa me ho peree me se meko akɔtoto emu deɛ eye me akɔnnɔ no bi.*

*Bio, yekɔnenamm sotɔɔ ahodoɔ a wɔtɔn afadeɛ ne nneɛma ahodoɔ nso mu. Mehunuu hyɛte, sekɛte ne mponporanneɛ ahodoɔ a eye fe yie. Na eye me anigye se mehwehwe mpaboa ahodoɔ a wɔahyehye no mu ahunu deɛ metɔ de akɔka deɛ mewɔ dada no ho.*

*Yekɔɔ so ara kyinkyinii edwam hɔ no, yekɔhunuu sotɔɔ ahodoɔ bi a na wɔtontɔn nkuaba ne kɔnnuadeɛ ahodoɔ fɛfe bi. Afei nso na enneɛma a yede gyegyee nkwadaa agoro ahodoɔ bi te se baaluu, buroniba ne deɛ ekeka ho nyinaa bi wɔ hɔ. Sedee na nkwadaa binom ani agye nneɛma a wɔde di agoro ahodoɔ a na wɔahyehye wɔ edwam hɔ no ho ye me anigye keke.*

*Ne korakora no, yekɔduruu beaɛ a wɔtontɔn nneɛma a wɔde di dwuma ahodoɔ wɔ efie. Eha yi no, na yɛhunu nkukuo ne nsereba ahodoɔ a yenoanoa mu wɔ gyaade ne samina ahodoɔ yede si nneɛma ne nneɛma ahodoɔ a yede siesie yɛn afiafie mu. Me maame tɔ adeɛ bi a yɛhia a, na me nso magye asoa.*

Yɛbetoa yɛn adesua a ɛfa edin ahodoɔ ho no so.

## Edin a ɛkyerɛ ekuo

Yei nso yɛ edin a ɛgyina hɔ ma ekuo bi. Ekuo no bɛtumi ayɛ nneɛma, mmoa anaa nnipa. Yei ho nhwɛsoɔ no mu bi ne nkukuo, esa, saka, eduro, ɛdɔm, asafo, ekuo, sukuu, abusua, kuro ne deɛ ɛkeka ho. Edin a ɛkyerɛ ekuo biara yɛ baakofoɔ ɛmfa ho sɛ ɛgyina hɔ ma nnipa, nneɛma anaa mmoa ahodoɔ bi.

### Dwumadie 3

Montena baanu baanu na wɔmpɛ edin a ɛkyerɛ ekuo ho nhwɛsoɔ enum enum nka deɛ yɛaboboɔ din dada no ho. Ma wɔne wɔn mfɛfoɔ nkyɛ wɔn mmuaɛɛ ahodoɔ no.

Hwɛ okasamu ahodoɔ a ɛwɔ fam ha yi, na kyere edin ahodoɔ a wɔasensan aseɛ no mu deɛ yɛtumi kan ne deɛ yɛntumi nkan.

- Ɛda mu dwumadie ahodoɔ akyiri no, **mmɔfra** no dedaa hatee.
- Hwɛ yie! **Asuo** no mu do.
- Na **odumgya ahyɛn** ne apolisifoɔ ahyɛn di santene no mu bi.
- Yɛpɛ nsuo **ntoa** akɛsɛɛ no.
- Onipa a ɔnoa aduane ma me no de **sradɛɛ** papa na ɛto keeki no.
- **Mmarahyɛbadwafɔɔ** dodoɔ sen na wɔn ho behia ansa na wɔatumi ahyɛ mmara bi?
- Mmɔfra dodoɔ no ara pɛ **nufosuo** gye Yaw.
- Wɔde **ntwoma** na ayɛ nkukuo no mu dodoɔ no ara.
- Ofosu ne Anima tumi bo **asankuo**.
- Obre dodoɔ nti, medii **twɔkoleti** adaka baako.

Ne tiawatwam ne sɛ, yɛtumi kyekyɛ edin ahodoɔ mu kɔ akuo ahodoɔ akɛsɛɛ mmieniu a ɛnonom ne edin a yɛtumi kan ne edin a yɛntumi nkan. Edin a yɛtumi kan yɛ edin yɛtumi kan no mmaako mmaako anaa yɛde akontabudeɛ toto ho a, ɛyɛ yie (Sɛ ebɪa. pɛn, atadeɛ, pɛnsere, sikabɔtɔ, papa, kyiniɪɛ, amango, ankaa, ne deɛ ɛkeka ho.). Edin a yɛntumi nkan yɛ edin a yɛde ma biribi a yɛkan no mmaako mmaako a ɛnyɛ yie anaa yɛde akontabudeɛ toto ho a, ɛnyɛ yie. Ɛho nhwɛsoɔ no mu bi ne ngo, ɛmo, nsuo, amannebo, ne deɛ ɛkeka ho. Ahwiedɛɛ ne edin a yɛnhunu nyinaa yɛ edin a yɛntumi nkan.

# MMOAKYIRE NSEMMISA

1. Fa wánkasa nsemfua kyerekyere edin mu.
2. Yiyi deɛ ɛdidi soɔ yi mu biara ho nhwesoɔ enum enum firi abasem a ɛwɔ fam ha yi mu;
  - i. Nnipa din
  - ii. Ɛda a ɛwɔ nnawɔtwe mu din
  - iii. Beaeɛ pɔtee bi din
  - iv. Edin a yetumi kan

*Kofi tuu ekwan kɔɔ kuro bi a na ɛben nákuraa. Ɔkɔɔ Benada. Kuro a ɔtuu kwan kɔɔ so no ne Nkran.*

*Nkran ye kuro bi a ɛhɔ ye fe a adan atenten ne ntiantia ahodoɔ a eye fe wowɔ hɔ. Kofi ani gyee mmorosoo. Yei ne ɛda a ɛdi ekan a Kofi baa kuro yi mu. Ɔkɔɔ sotɔɔ keseɛ bi mu kɔtotɔɔ nneema bi te se baage, mpaboa , wɔɔkye, belete, hyeete ne deɛ ekeka ho. Na náni nhyeda nnye Nkran asetena ho esiane nneema boɔ a na eye den nti, ɔkaa ntam se ɔrentena kurom hɔ da.*

3. Fa wánkasa nsemfua kyerekyere edin ahodoɔ yi ase na ma emu biara ho nhwesoɔ mmienu mmienu. Fa nhwesoɔ no mu biara ye ɔkasamu tiawa mmiensa na ene wo mfefoo nkye.
  - i. edin a yehunu
  - ii. edin a yenhunu
  - iii. edin a yentumi nkan
  - iv. edin a ekyere ekuo

# MMOAKYIRE NSEMMISA A EFA EDIN HO NO HO MMUAEE

1. (Mmuabee ho adwenkyere) Edin ye ahyensodee a yede ma onipa, beaee bi, aboa anaa adee bi.

Yebetumi aka se, edin ye ahyensodee a yede ma nneema a atwa yen ho ahyia.

2.
  - i. Onipa din: Kofi
  - ii. Eda bi a ewo nnawotwe mu: Benada
  - iii. Beaee potee bi din: Nkran
  - iv. Kuropon, akuraa, kuro, beaee, adan, afiafie, sotoo, nneema, baage, mpaboa, wookye, belete hyeete, eboo
3.
  - i. (Mmuabee ho adwenkyere) Edin a yehunu ye edin a yetumi hunu na yeso mu nso a, eye yie.

## ANAASE

Edin a yehunu ye nneema a eda adi wo anisoa na yetumi nso so mu ma eye yie. Nhwesoo; sikaboto, nnua, nwi, gyeene, akonnwa, krataa ne dee ekeka ho.

- ii. Edin a yenhunu ye nimdee, adwenkyere, tebea anaa atenka.

## ANAASE

Edin a yenhunu ye nneema bi a yemfa yen ani nhunu na yeso mu nso a, enye yie. Nhwesoo; boaseto, odo, ayamye, anigye, ne dee ekeka ho.

Edin a yentumi nkan ye edin a yede ma nneema a yekan no mmaako mmaako anaa yede akontabudee toto ho a, enye yie.

Edin a ekyere ekuo ye edin a yede gyina ho ma nnipa, nneema ne mmoa ahodo.

Seesei, woasua biribi afa edin ne edin akuo ahodo ho. Afei, ma yensua biribi mfa edin nkyeremyemu ho.



## Ɛdeɛn ne edin nkyerɛkyerɛmu?

Montena akuakuo na ma wɔntwerɛ nsemfua ahodoɔ mmiensa a wɔde bekyerɛkyerɛ saa nneɛma anaa nnipa yi mu;

- Wo sukuu dan
- Wádamfo pa
- Wákonnwa/ɛpono
- Sedee wo sukuu mu ho asetena si tee

Edin nkyerɛkyerɛmu ye asemfua anaa nsemfua a yede kyerɛkyerɛ edin mu. Edin nkyerɛkyerɛmu ye asemfua anaa nsemfua a yede kyerɛkyerɛ esu ahodoɔ a ɛwɔ onipa anaa adeɛ bi ho. Edin nkyerɛkyerɛmu ho nhwesoɔ no mu bi ne ahahammono, tuntum, akokɔsradeɛ, fitaa, tiatia, tenten, fefe, kuhaa, keɛɛɛ, ketewa, teatea, anigyee, awerɛhoɔ, nyansa, nokore, ne dee ekeka ho. Dee edidi soɔ yi ye akwan ahodoɔ a wɔafa so de edin nkyerɛkyerɛmu adi dwuma ho nhwesoɔ.

- i. Mepɛ efie *dada*.
- ii. Abarimaa no ye *tenten* ɛna ɔye *teatea*.
- iii. Akua ye *onyansafɔɔ* sene ne nuabarima no.

Ɔkasamu (i) mu no, asemfua *dada* no kyerɛkyerɛ efie pɔtee a ɔkasafɔɔ no pɛ. Ɔkasamu (ii) mu no, nsemfua *tenten* ne *teatea* no kyerɛkyerɛ sedee abarimaa no bɔbea si tee. Ɔkasamu (iii) mu no nso, yede asemfua *onyansafɔɔ* no ye ntotoho wɔ Akua ne ne nuabarima ntam de hunu wɔn mu dee ɔnim nyansa.

## Edin nkyerɛkyerɛmu ahodoɔ

Edin nkyerɛkyerɛmu gu ahodoɔ nanso emu dee wobesua ɛho adeɛ no na edidi soɔ yi;

- Oyikyere nkyerɛkyerɛmu
- Akontabudeɛ nkyerɛkyerɛmu
- Sukyere nkyerɛkyerɛmu
- Ntotoho nkyerɛkyerɛmu

Ɛha yi no, wɔde oyikyere nkyerɛkyerɛmu (yi, no, yeinom, ɛnonom) di dwuma sɛ nkyerɛkyerɛmu ɛfiri sɛ ɛka biribi pɔtee fa adeɛ a ɛkasa fa ho no ho de yi no kyere. Hwe nhwesoɔ a ɛwɔ aseɛ ha yi:

- a. Kaa yi ye mono.
- b. Afie *yeinom* ye maame no dea.
- c. Mpaboa *no* ye me papa dea.

- d. Akua reto kaa *yeinom*.

## Ntotoho nkyerekyeremu

Yenam yei so de nnipa anaa nneema mmienu bi toto ho. Saa ntotoho nkyerekyeremu yi ho nhwesoo no mu bi ne ketewa sene, tenten kyen, keseɛ sene, tuntum kyen, kɔkɔ sene, gramoo sene, ne deɛ ekeka ho. Yede ntotoho nkyerekyeremu ho nhwesoo adi dwuma wɔ okasamu ahodoɔ a edidi soɔ yi mu:

- a. Aduane yi ye *fo sene* nkyene.
- b. Amma ye *onyansafoɔ kyen* Kofi.
- c. Kaa no ye *fitaa sene* sakere no.
- d. Dua no ye *tenten kyen* edan no.

## Akontabudeɛ nkyerekyeremu

Edin nkyerekyeremu yeinom kasa fa nnipa anaa nneema bi dodoɔ ho. Akontabudeɛ nkyerekyeremu ye nkyerekyeremu adwuma efiri se eka biribi fa nnipa anaa nneema bi dodoɔ pɔtee ho. Hwe nhwesoo a edidi soɔ yi:

- a. Metɔ apono *mmiensa* wɔ edwam ho.
- b. Onoaa nkosua *mmienu* maa me.
- c. Ohia asikyire nnaka *nkron*.
- d. Yewɔ sumiie *baako* wɔ yen dan mu.

## Sukyerɛ nkyerekyeremu

Sukyerɛ nkyerekyeremu ye nkyerekyeremu a eka biribi fa edin bi su anaa ne tebea ho. Sukyerɛ nkyerekyeremu taa da adi wɔ okasamu mu sene nkyerekyeremu nkaɛ no. Hwe nhwesoo a ewɔ fam ha yi:

- a. Kaa no ye *dada*.
- b. Mewɔ nwoma *ketewa*.
- c. Aduane no ye *akɔnnɔ*.
- d. Mehunuu kaa *keseɛ* wɔ kurom.

### Dwumadie

1. San kɔhwe nsemfua a wohunuu wɔ adesua yi ahyɛaseɛ no mu. Kyekye nsemfua no mu kɔ oyikyere, akontabudeɛ anaa sukyerɛ nkyerekyeremu mu. Fa edin nkyerekyeremu ahodoɔ no mu biara ho nhwesoo no bi ka ho.
2. Kenkan abasem a ewɔ fam ho no na hwehwe edin nkyerekyeremu ahodoɔ a ewowom no. Kyekye edin nkyerekyeremu a woahunu no mu kɔ

oyikyerε, akontabudeε ne sukyerε nkyerεkyerεmu mu na wone wáfεfo nkyε.

*Ansa na akokɔ rebɔn ne mprensa soɔ saa anɔpa no, na nnipa a wɔwɔ kuro kumaa Alata mu no akɔbɔ dɔmpem retwen ɔhene no. Na adehyee no nyinaa furafura afadeε fitaa.*

*Na wɔde ntoma fitaa abobɔ wɔn nsa a wɔnhyehye mpaboa.*

*Na wɔahyia hɔ rebeyi wɔn ɔhene no aye. Abakɔsem kyere se, tete hɔ no, ɔhene a ɔte akonnwa so seesei no nana bi yeε adeε nwanwasoɔ bi de boaa nnipa a wɔwɔ kuro kumaa no mu. Ɔtwitwa gyee wɔn wɔ bere a awia ketekete bi wɔn mfuɔ nyinaa hyehyeeε maa ekɔm kεsee a ekum ɔkɔtɔ too anwea pradadaa soɔ te sii kuro kumaa no mu. Ekɔm dee nnipa a na wɔwɔ kuro kumaa no mu maa wɔtotɔɔ baha a wɔn anidasoɔ nyinaa saeε.*

*Saa ɔhene yi nana no na ɔkɔfaa aduane a enye kumaa firii n’afuom de maa nnipa a na wɔwɔ kuro kumaa no mu diie. Saa adeε no nti, kuromma no sii no ɔhene de hyee no animuonyam. Afe biara mu no, na wɔkɔsra no de kyere wɔn anisɔ wɔ adeε kεsee a ɔye maa wɔn no ho.*

Sedeε εda adi wɔ nhwesɔɔ ahodoɔ a εwowɔ fam hɔ no, sukyere nkyerεkyerεmu no tumi ba edin no akyi wɔ nkasaεε no mu wɔ bere a εtoa adeye “ye” so.

- a. Efiε no ye *ketewa*.
- b. Wɔɔkye a εbɔ wo no ye *fε*.
- c. Amango a woredi no ye *kɔkɔɔ*.
- d. Dua a mehunuie no ye *tenten*.

Saa sukyere nkyerεkyerεmu yi nso tumi ba edin a εkyerεkyere mu no akyiri pεε. Borɔfo Kasa mu no, εba edin no anim nanso Asante Twi mu deε, εba edin a εkyerεkyere mu no **akyi** sedeε yehunu no wɔ nhwesɔɔ a εwowɔ fam ha yi mu no:

- a. Efiε *ketewa* no nie.
- b. Mehunuu dua *tenten* wɔ hɔ.
- c. Me maame tɔɔ wɔɔkye *fεfε* maa me.
- d. Yedi amango *kɔkɔɔ* da biara.

# MMOAKYIRE NSEMMISA

1. Kyekye edin nkyerɛkyerɛmu a ɛwɔ fam hɔ no mu kɔ nkyerɛkyerɛmu akuo ahodoɔ no mu na wone wáfɛfoɔ nkyɛ wo mmuaɛɛ no. Ekuo biara nkyerɛkyere senti a wɔyɛɛ wɔn mmuaɛɛ no saa.

- i. ahoɔfɛ
- ii. tenten
- iii. dɛ
- iv. akɔnnɔ
- v. ɛfa
- vi. kɔkɔɔ
- vii. atirimuɔden
- viii. bruu
- ix. denden
- x. ɛno
- xi. saa
- xii. mmiɛnsa
- xiii. bi

2. Kenkan abasɛm yi yie na bua nsemmisa a ɛdidi soɔ no.

- i. Kyerɛkyere edin nkyerɛkyerɛmu a ɛwowɔ abasɛm no mu nyinaa.
- ii. Kyekye edin nkyerɛkyerɛmu a woahunu no mu kɔ nákuo ahodoɔ no mu.
- iii. Fa akuo ahodoɔ no mu biara ho nhwesɔɔ enum enum ye ɔkasamu.

*John tuu kwan kɔsraa ne nuabarima panin wɔ kuro kɛsɛɛ mu dɛɛ edi kan koraa. Eberɛ a ɔsi firii lɔɔre mu no, sɛdɛɛ na kuro no mu ye fɛ no maa n'ani gyee yie pa ara. Ɔhyɛɛ aseɛ hwɛɛ adan atenten, akwan fɛfɛ ne sɛdɛɛ nnipa si redi akɔneaba no. Dɛɛ John hunuie no maa ne were firii sɛ ɔbefrɛ ne nuabarima panin no ama no abɛfa no afiri ahyɛngyinabea hɔ akɔ efie. Prɛkɔpɛ, n'ani baa ne ho so maa ɔyii náhomatonomfoɔ dada firii ne baage tuntum mu de hyɛɛ aseɛ frɛɛ ne nuabarima no. ɔkaɛɛ Immediately, he remembered, John pulled his old phone from his black*

*bag and began to call his brother. Ansa na ne frɛ no bɛkɔ awieɛɛ no, kaa fitaa bi begyinaa beaeɛ a na John gyina hɔ baabi. John nwenweneɛɛ, buee kaa no pono a ɛdi kan no enna ɔtenaa mu. Esiane sɛ na ɛfiri dee John gyina hɔ rekɔ baabi a ne nuabarima panin no tee ye basafa dunum pɛ nti no, ankyere koraa na wɔn baanu duruu ɛfie. John gyee nàhome wieɛɛ no, wɔde aduane akɔnnɔ-akɔnnɔ bi bɛmaa no akwaaba.*

## Εδεεη ne adeye?

Εδεεη na woyee no aṅpa yi? Tweretwere dee woyeee no nyinaa.

Εδεεη na wosusu fa nneema ahodoṅ a wosua wṅ wo sukuu mu no ho? Tweretwere wo nsusue no nyinaa.

Hyee no nso se, wo ne wáfefoṅ bekyee wo nsusue ahodoṅ no.

Adeye ye asemfua anaa nsemfua a ekyere dee oyefoṅ bi reye. Adeye san tumi ye asemfua anaa nsemfua a ekyere tebea a oyefoṅ bi wom (se ebia; tu, so, ware, nyini, hua, di, dṅ, si, som, hwe, hunu, pe, ne dee ekeka ho).

Adeye tumi ba okasamu mu a ewṅ oyetia anaa enni oyetia mu. Yetumi kyekye adeye mu nya fa-oyetia, amfa-oyetia ne fa-oyetia mmienu.

### Fa-oyetia

Fa-oyetia ye adeye a efa edin a edi dwuma se oyetia di nákyi wṅ okasamu mu. Yei ho nhwesṅ no mu bi ne noa, nom, ka, sa, di, twere, boro, ne dee ekeka ho. Eho nhwesṅ no bi na yede aye okasamu wṅ fam ha yi:

1. Okyerekyerefoṅ no *noaa* emo.
2. Adesuafoṅ no *saa* nsuo.
3. Kofi ne Adwoa *di* fufuo.
4. Akwadaa *tṅ* nnuaba.
5. Akwantufoṅ no *foroo* kaa no.

Nsemfua a yeakyeakyea no wṅ okasamu no mu nyinaa ye fa-oyetia. Oyetia ahodoṅ no nyinaa ba adeye no akyi. Nhwesṅ 1 mu no, oyetia a ewom no ne *emo*, enna nhwesṅ (5) mu no, oyetia a ewṅ mu no ne *kaa*.

### Amfa-oyetia

Yei nso ye adeye a edin a edi nákyi no nni dwuma se oyetia – saa adeye yi nhia oyetia ansa na nteasee ada adi wṅ okasamu mu. Asemfua anaa nsemfua a edi saa adeye yi akyi no taa ye okyerefoṅ anaa adeye boafṅ. Saa adeye yi ho nhwesṅ no mu bi ne firi, kṅ, te, nante, su, wu, da, didi, kasa, sa, hram, nyini, ne dee ekeka ho. Eho nhwesṅ no mu bi na ewṅ fam ha yi:

1. Abarimaa no *hram* aṅpa biara.
2. Anomaa no *tu* ntemntem.
3. Osuani no *firi* Asuoho-Ankaase.



Adeye a yeakyeakyea no wo okasamu no mu nyinaa ye amfa-oyetia. Nhwesoo 1, 2 ne 3 mu no, nsemfua a eba saa adeye no mu biara akyi no ye okyerefoo na enye oyetia.

Adesua a efa okyerefoo ho no beba akyire yi.

### Fa-oyetia mmienu.

Fa-oyetia mmienu ye adeye a efa edin mmienu a baako di dwuma se oyetia na baako nso di dwuma se ogyefoo. Oyetia no ne edin anaa dinnsiananmu a ogyefoo no dwumadie ho nsunsuansoo ko ne so. Bio, ogyefoo no ne edin anaa dinnsiananmu a egye adee a ogyefoo no de ma no. Fa-oyetia mmienu ho nhwesoo no mu bi ne *ma*, *kye*, *twerε*, *ne* dee ekeka ho. Eho nhwesoo na ewo fam ha yi:

1. Awofoo no *maa* akwadaa no paanoo.
2. Okyerekyerefoo *kye* adesuafoo no sika.
3. Ofosu twereε *Barima* Kyei krataa.
4. Obaa no *kyεε* nadamfo no mpaboa
5. Akosua *ma* Amma aduane.

Nhwesoo 1 mu no, ogyefoo no ne *akwadaa* enna oyetia no nso ne *paanoo*. Nhwesoo 4 mu no, ogyefoo no ne *adesuafoo* enna oyetia no ye *sika*.

#### Dwumadie 1

1. Edeen ne adeye? Fa wankasa nsemfua kyerekyere mu.
2. Kyerekyere adeye akuo ahodoo mmiensa no mu biara mu tiawa.
3. Kyekye adeye a edidi soo yi mu ko fa-oyetia, amfa-oyetia ne fa-oyetia mmienu mu wo bere a wode (√) rehyehye adaka a efata mu:

Adeye	Fa-oyetia	Amfa-oyetia	Fa-oyetia mmienu
bu	√		
ma			√
sese			
to			

Adeye	Fa-oyetia	Amfa-oyetia	Fa-oyetia mmienu
kenkan			
sa			
nante			
kye			
twere			
pia			
hram			

## Dwumadie 2

Wo ne wo yonko nkenkan abasem a ewo fam ho no. Hwehwe adeye a ewo mu no nyinaa na kyekye mu ko fa-oyetia, amfa-oyetia ne fa-oyetia mmienu. Se mowie a, monka mmom mfa adeye a moahunu no mu beye enum nye okasamu. Se ebia, *Anka na mepɛ se mesua adeɛ kyere.*

Na ekwan a efiri asuo no agya de rekɔ n'agya no mmoro basafa aduonum, nanso anka na mepɛ se meborɔ asuo a emu do na ani ye korogyee beye kwansini baako anaa deɛ eborɔ saa. Na osusu se adenkyem wo asuo no mu.

Meyee krado se meresi asuo no mu no, mede me etuo hyee m'anom kaa me se sii so boɔ mpaee te sii nsuo a atekye wom no mu. Meboroo te se obi a oresua asudwaree foforo. Na asorokye no ano nye den saa enna na nsuo no mu aye dedeɛdedeɛ kakra nanso na hu aka no, eno nti na ontumi mmoro asuo no nko ntɛm.

Oboroo asuo no duruu mfimfini no, mpofrem na ohunuu se asuo no mu aye tia. enam so maa me koko kotwii atekye-kokoɔ bi wo asuo no mu. Na mesusu se eye adenkyem, ebaa saa no, etuo no gye firii m'ano.

Menantee asuo no mu basafa kakra na mekopuee beaee a ehɔ do bio. M'ani baa me ho so no, na maduru asuo no agya. Mede ahoporoɔ foro koɔ asuo no kokoɔ so. Metumi twaa asuo no deɛ nanso na mahwere m'akodeɛ.

## Ɖedeɛn ne Ɖkyerefoɔ?

Hwe mfonini a ewo fam ho no. Sen na woresi tu mmirika no? Eyɛ eda no mu eberɛ ben? Beaeɛ ben na dwumadie no rekɔ soɔ? Aden nti na saa dwumadie no rekɔ soɔ?



Ɖkyerefoɔ yɛ asemfua anaa nsemfua a ekyerɛkyere adeye mu wo okasamu mu. Ɖkyerefoɔ tumi san kyerɛkyere okyerɛfoɔ foforo mu. Dwene sedee wosi nante koo sukuu enne no ho, na eyɛ brɛɛ, ntem anaa ntemntem? Ebetumi aba se wonantee ntemntem koo sukuu. Asemfua *ntemntem* no kyere sedee wosi nante koo sukuu faee ne saa nti, eyɛ okyerɛfoɔ. Ɖkyerefoɔ nkyekyemu ahodoɔ no gyina sedee esi kyerɛkyere adeye a ekyerɛkyere mu no so. Nkyekyemu ahodoɔ nonom ne: yebea kyerɛfoɔ, beaeɛ kyerɛfoɔ, eberɛ kyerɛfoɔ, dodoɔ kyerɛfoɔ, anoɔden kyerɛfoɔ ne ampaye/akyinnyegyee kyerɛfoɔ.

### Yebea kyerɛfoɔ

Saa okyerɛfoɔ yi kyerɛkyere ekwan a oyefoɔ no fa so yɛ biribi anaa sedee dwumadie bi si ko so fa mu. Eho nhwesoo na edidi soɔ yi:

1. Osuani no nantee *ntemntem* koo sukuu.
2. Bɔɔlobɔfoɔ no bɔɔ bɔɔlo no *brɛɛ*.
3. Adwontofoo no too dwom no *bokoo*.
4. Anomaa no tuu *shareso*.

## Beaee kyerefo

Beaee kyerefo ka biribi fa beaee patee a dwumadie bi ko so anaa oyefo bi ye biribi ho. Eho nhwesoo no mu bi na edidi soo yi:

1. Adesuafo no ginyagyina *abonten*.
2. Kwasi ne Adwoa Badu reda wo *aborosan no so*.
3. Adesuafo no toto nkrataa gugu *baabiara*.
4. Adwoa Badu firi *Asankragwa*.

## Ebere kyerefo

Ebere kyerefo nso ka biribi fa ebere patee a dwumadie bi ko so anaa ebere patee bi a oyefo bi ye biribi ho. Eho nhwesoo wo okasamu mu na edidi soo yi:

1. Adesuafo no tweree sohwe no *nnora*.
2. *Enne*, yebedi yen awiabere aduane wo adwuma mu.
3. Yebeye nhyiamu *anopa nnankron*.

## Dodoo kyerefo

Yei nso kyere mpen dodoo a dwumadie bi ko soo anaa mpen dodoo a oyefo bi ye adwuma bi. Saa okyerefo yi tumi di okasamu anim anaa akyi nanso okyerefo ahodoo no mu kakra bi na etumi di okasamu anim, mfimfini anaa akyire. Dodoo kyerefo ho nhwesoo no mu bi ne afeafe, mprenu, mprensa, prekope, da, ebere biara, nnawotwe-nnawotwe, da biara ne dee ekeka ho. Eho nhwesoo no mu bi na edidi soo yi:

1. Wohye fa *afeafe*.
2. *Da biara*, yedidi
3. Yenkoo ho *da*.
4. Wohye nkwadaa nkuran se wontwitwi won se *ebere biara*.
5. Meba ha *nnawotwe-nnawotwe*.

Okasamu a ewowo esoro ho no mu no, dodoo kyerefo a ewowo mu nonom ne *afeafe*, *da biara*, *da*, *ebere biara* enna *nnawotwe-nnawotwe*. Nhwesoo (2) mu no, okyerefo *Da biara* di okasamu no anim. Nhwesoo (5) mu no nso, okyerefo *nnawotwe-nnawotwe* di okasamu no akyi.

## Anooden kyerefo

Saa okyerefo yi ye asemfua anaa nsemfua a ekyerekyere adeye anaa okyerefo foforo bi mu de kyere sedee dwumadie bi ano den si tee anaa sedee oyefo bi dwumadie ano den si tee. Eho nhwesoo no mu bi ne yie, pa ara, pasaa, dwerabee,

se, dodo, defedefe, ne dee ekeka ho. Eho nhwesoo no mu bi na edidi so wo fam ho no:

1. Maame no kasa *dodo*.
2. Wopraa edan no mu *yie*.
3. Na ne mmodemmo no so ani *se*.
4. Ababaawa no yee aberantee no *defedefe*.

## Ampayε/Akyinnyegyε

Saa okyerεfoɔ yi ka biribi fa dwumadie bi a ensi pi anaa oyεfoɔ bi a nɔdwene ye no ntanta wo dwumadie bi ho. Eho nhwesoo no bi ne ebia, dabre, gyama, seseε, ne dee ekeka ho. Eho nhwesoo wo okasamu mu na edidi so wo fam ha yi:

1. *Ebia* Barima Kyei beko Asuoho-Ankaase.
2. *Dabre* wadi nkonim wo sohwε no mu.
3. *Gyama* Adwoa Badu wo efie.
4. *Seseε* ekom nne Ofosu ne Anima.

### Dwumadie 1

San dwene dwumadie a edi kan wo adesua no mu no ho. Wobetumi anya okyerεfoɔ ahodoɔ akyerεkyere dwumadie ahodoɔ a ereko so wo mfonini no mu mu. Gyina okyerεfoɔ akuo a woasua no so na kyekye okyerεfoɔ ahodoɔ a wohunuie no mu. Afei montena baanu baanu na momfa okyerεfoɔ no nye okasamu enum mfa dwumadie a ereko so wo mfonini no mu no ho.

### Dwumadie 2

1. Kyerεkyere twaka a εda okyerεfoɔ ne adeye ntam na wo ne wo afεfoɔ nkye wo mmuaee no.
2. Kyerεkyere okyerεfoɔ akuo ahodoɔ no mu na ma emu biara ho nhwesoo mmiensa mmiensa.
3. Fa akuo no mu biara ho nhwesoo mmienu mmienu ye okasamu.
4. Kyekye okyerεfoɔ ahodoɔ a edidi soɔ yi mu ko okyerεfoɔ akuo a woasua no mu na kyere senti a woyee no saa.
  - i. ntemntem
  - ii. yie

- iii. brɛɛ
- iv. nnora
- v. da
- vi. sɛ
- vii.afeafe
- viii. dodo
- ix. defedefe
- x. anɔpa

### Dwumadie 3

Hwehwe okasamu ahodoɔ no mu na kyere okyerɛfoɔ ahodoɔ a wɔde adi dwuma wɔ emu biara mu. Afei, yiyi okyerɛfoɔ enum anaa deɛ ɛboro saa firi okyerɛfoɔ ahodoɔ a wohunuie no mu na wo ne wáfefoɔ nkyɛ adwene wɔ ho.

1. Adesuafoɔ no de wɔn adwenkyere to dwa da biara.
2. Ahomatonomfoɔ no kɔ so fre ɛbere biara.
3. Nnipa no nyinaa kɔ abɔnten.
4. Mate abasem no pen.
5. Gyama ɔnnim no.
6. Woreka loɔre no basabasa.
7. Da biara, meye deɛ metumi.
8. Ebia na ɔreka nokore.
9. Yɛpɛɛ ɔhaw no pomasibre ntem.
10. Aberewa no kasa dodo.
11. Nkwadaa no di agoro pa ara.
12. Adɛn nti na woda so wɔ ho?
13. Wɔhyɛ fa afeafe.
14. Menhyiaa bi da.
15. Ɔponkɔ no tu mmirika bubububu.



# MMOAKYIRE NSEMMISA

## Ofa A: Adeye

1. Nsonsonoe ben na e da adeye a ekyere dwumadie ne dee ekyere tebea ntam?
2. Hwehwe adeye a ewo abasem a ewo fam ho no mu nyinaa na fa wo mmuaee no toto wafefo de ho:

*Mekoo mpoano no, metuu mmirika, mehurie enna mesaa wo epo asorakyee no mu. Owia no bo pa ara maa me ho woe na me ho sisii me ho so. Meboroo epo nsuo no boboo bi guie, enna medii agoro wom wo bere a na mede anigyee renwenwene. Asunoma no tu faa ewiem, na wosu bo won ntaban mu papapapa. Meboaboa mpoano anwea ano maa eyee esie tenten na mede mpoano aboo ne nwatonturowa siesiee ho fefefe. E da no koo nanim no, metuu mpasa de faa epo no ano na mehunu nneema bi a na asuma a me were remfiri eho asem da biara da.*

3. Kyekye adeye a wohunuu wo abasem a ewo esoro ho no mu ko adeye akuo mmiensa a woasua ho adee no mu.

## Ofa B: Okyerefo

1. Twere dwuma ahodo bi a wotaa di no da biara na kyerekyere ekwan a wofa so di no, eberere koroo potee a wodi no, beaee potee a wodi no ne senti a wodi saa dwuma ahodo no kyere wafefo.
2. Twere okyerefo ahodo a wafefo de dii dwuma no na kyekye mu ko okyerefo akuo no mu.
3. Fa nsemfua beye aduonum (50) twere abasem fa ewiem nsakraee ne nnipa a wotete wo mpotam ho no ho. Fa okyerefo edu (10) anaa dee eboro saa di dwuma wo wabasem no mu.

## EXTENDED READING

Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)

Amegashie, S.K. (2004). *Evegbe ɲɔɲɔ*. Victus Printing Services.

Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)

Joshi, M. (2021). *Nouns in the English Language: Types and examples*. Manik Joshi. (Topic on nouns)

Thakur, D. (1998). *Linguistics simplified: Syntax*. Bharati Bhawan. (open word class which are nouns adjectives, verbs and adverbs)

## REFERENCES

Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4

Lier, E. V. (2024). *The Oxford Handbook of Word Classes*. Oxford University Press.

Miguel, J. M. G. (2015). *Transitivity and word classes*. <https://doi.org/10.1075/ivitra.9.13gar>

Prempeh, A. A. (2021). *Asante Twi Nyansapɔ*. Premesco Publications.

Simone, R. & Masini, F. (eds). (2014). *Word classes (Current Issues in Linguistic Theory)*. John Benjamins Publishing Company.

# ACKNOWLEDGEMENTS



Ghana Education Service (GES)

